

telebista ♦ irratia

# ‘Betizu’ saioa aurkeztu die ETBk haurrei Kafe Antzokian

Astelehenetik aurrera egunero Euskal Herriko behi basatiak izango dituzte lagun

Iñigo Olabarri / Bilbo

Haurrek astelehenetik aurrera ETB1eko programazioan lagun izango dituzten betizuak ezagutu zituzten atzo Kafe Antzokian. *Betizu* programa goiz eta arratsaldean izango da astelehenetik ostiralera eta goizez asteburuetan.

ILASKI SERRANO *Betizu* programaren aurkezlea izan zen atzoko saio txikiaren gidaria. Kafe Antzokian bildu zen haur taldearen aurrean, astelehenean hasi eta egunero programan ikusiko dutenaren berri eman zien haurrei. Pantaila handi baten laguntzaz ezagutu ahal izan zituzten haurrek *Betizu*, *Betisuis* eta *Eme-U*.

Bingen Zupiria ETBko zuzendariak azaldu zien haurrei zer izango den ikastetxetik etxera iristean. «Telebista piztean lagun berriak aurkituko dituzue. Gure mendietako behi basatiak sartuko dira zuen etxean», esan zien haurrei. Astelehenean hasi eta ostirala arte, goizeko 07:30etik 08:45era eta arratsaldeko 19:00etatik 20:30era izango dira hiru dimentsioko betizuak telebistan, baita larunbat eta igande goizetan ere. «Betizuak beti zuekin izango



JOSU ETXEBARRIOSTE

Haurrak ETBko betizuekin kantuan eta jolasean ibili ziren atzoko aurkezpen ekitaldian.

dira», adierazi zien Kafe Antzokian bildu ziren haurrei Bingen Zupiriak.

## Marrazki bizidunak eta ‘Betimu’ lehiaketa

Hiru betizuen abenturak *Behi II* espaziontzian gertatuko dira. Espaziontzian bidaiatuz unibertso hainbat tokitako saioak ekarriko

dituzte Euskal Herrian ikusteko. *Betizu*, *Betisuis* eta *Eme-U*ekin batera, unibertsolariak ezagutuko dituzte haurrek programa berri horretan. Galaxia arteko kume barregarriak dira unibertsolariak.

Behien eta unibertsolarien espazioko abenturez gain, marrazki bizidunak eta musika lehiaketa izango

dira programa berriaren alderdi erakargarria. *Betimu* musika lehiaketa, herriz herri, ikastetxe bi lehiatuko dira. Karaokea, dantzaokoa, dijia eta kantu xelebrea arlotan lehiatuko dira.

Marrazki bizidunei dago kienez, *Tom* eta *Jerry*, *Hartz txiki*, *Pottokiak*, *Hirukiak* eta *Sakura* kartak zakura izango dira ikusgai.

## Aurkezle berriarekin hasiko da ‘Hau komeria’ saioa

■ ‘*Rent*’ musikala, ‘*La Boheme*’ opera klasikoa eta *Gaitzerdi* taldearen ‘*Girobira*’ hartuko ditu

Erredakzioa / Donostia

ARTE ESZENIKO eta ikus-entzunezkoei buruzko saioak gaur ekingo dio denboraldi berriari, eta atal berriak izango ditu, baina berrikuntza nagusia aurkezle aldaketa izango da. Izan ere, Asier Hormaza aktorearen lekukoa Irati Jimenez kazetariak hartuko du. ETB1eko *Hau komeria* eta ETB2ko *Desde*

*el gallinero* saioek denboraldi berriarekin batera etorri diren estreinaldiak eta udan izan diren ikuskizunik garrantzitsuenak gogoratu dituzte: *Rent* musikala, *La Boheme* opera klasikoa eta Bilboko *Gaitzerdi* taldearen *Girobira* ikuskaria. Talde hori New Yorkeko Fringe jaialdian izan da eta koreografia onenaren saria jaso du.



INIGO AZKONA

*Gaitzerdi* taldeak koreografia onenaren saria jaso du New Yorken.

## laburrean

### Zinemaldiaren amaiera eta albistegi bereziak asteburu honetan ETBn

Felix Linaresek aurkeztuta, Donostiako Nazioarteko Zinemaldiaren amaiera ekitaldia eskainiko du ETB2 kateak gaueko 21:45ean, egun hauetan bildutakoaren laburpentxo bat eginez. Bestalde, albistegi bereziak denboraldi berriari ekingo diote. Larunbatean, esaterako, saio hauek hasiko dira: *Empresa Vasca* (10:45ean ETB2an), *Sustraia* (13:20an ETB1ean) eta *Lengua Viva* (11:45ean ETB2an). Lehenengoak bederatzigarren denboraldia hasiko du; Euskal Enpresen inguruko berriak jorratuko ditu. *Sustraia*-k ere hamaika urte daramatza Euskal Herriko nekazaritzaren, abeltzaintzaren eta arrantzaren inguruko berri ematen. *Lengua Viva*, berriz, euskaraz ere izan dugu orain arte, baina denboraldi berrian ETB2an bakarrik emango dute; larunbatero izango da, goizeko 11:45ean.

### ‘Fugitivos en la Ciudad’, iheslarien eta ehiztarien arteko lehia Tele5 katean

Argentinako *Ideas del Sur* ekoiztetxeak egindako lehiaketa Alonso Caprosrek aurkeztuko du, Tele5 katean. Lehiaketa honetan, ihesean ibiliko dira hiru bikote, eta bakoitzaren atzetik ehiztari bat ibiliko da. Ehiztariak lehiaketak dirauen bitartean harrapatu beharko ditu iheslariak, hau da, 21:30etik 23:20 bitartean. Ehiztariaren batek bere iheslariak harrapatuz gero, saria irabaziko du eta bikotea kalean geratuko da. Bestela, hurrengo saioan jarraitzeko aukera izango dute. Horrez gain, iheslari eta ehiztariak astean lau egin-kizun bete beharko dituzte, eginkizun bakoitzak 200 mila pezetako saria izango du (8.000 libera).

*Fugitivos en la ciudad* gaur hasiko da. Lehiakideak Joaquín Sabina abeslariaren kontzertu batean sartu zirela ikusiko da, baita *Gitano*-ren estreinaldian Joaquín Cortés eta Laetitia Zirikatu zituztela ere.